

03. maj

Inatsisartut Suleriaasianni § 33 naapertorlugu aalajangiiffigisassatut siunnersuut matumuuna saq-qummiuppara:

**Kommunit tamaasa suleqatiginissaat aallartisarniaqqullugu, kommunillu akornanni naligiin-nerulernissaq siunertaralugu iliuuseqarnis-samut periarfissaasinnaasunik qulaajaanissaq, tamatumani kommunit ataasiakkaat suliassanik isumagisassaminnik aningaasaqarnikkut periarfissaat eqqarsaatigalugu, taamatuttaarlu iliuuserisassat pineqartut aningaasatigut allaffissornikkullu kingunerisassaat qulaajaqqullugit Naalackersuisut peqquneqarnissaattut Inatsisartut aalajangiiffigisassaannik siunnersuut. Qulaajaanissami aningaasatigut naligiis-saarinnermut aaqqissuussineq atuuttoq ilaatinneqassaaq, taamaattorli taannaannaq killiffi- neqassanngilaq.**

(Inatsisartunut ilaasortaq Sara Olsvig, Inuit Ataqtigiit)

Inatsisartunut ilaasortap Sara Olsvig Inuit Ataqtigiit aalajangiiffigisassatut siunnersuutaanut imaat-tumik Siumumiit oqaaseqassuugut.

Siullermik oqaatigissuarput Kommuunerujussuit pilersinneqarsimasut iluminni namminneq killiffit-sik aallaavigalugu nalilersuisinnaanerat, iluarsisooqassappallu kommunalbestyrelsit Naalackersuisu-nut kattuffitsik aqutugalugu innersuussisinnaanerat Siumumiit ataqigatsigu.

Inuiaqatigiinni aaqqissuusseqqinnerit ingerlaavartariaqarput. Soorlumi nunatsinni aaqqissuusseqqin-nerit annersaattut taasariaqakatsinnik ukiut qulit ataallugit matuma siorna ingerlatsisugut. Tassa Kommuunit sisamaannangortinneqarput siunertaalluni pisortani marloqiusamik allaffissorfiusut ikilisarneqarnissaannik aammalu akisussaaffinnik amerlanerusunik kommuunenut nussuinissamik malitseqartitsinissaq.

Siumumiillu isumaqarpungut akisussaaffinnik nussuinissamik siunniussaqaarsimaneq arriippallaar-tumik ingerlasoq. Piaarnerusumillu sulissutigalugit ingerlanneqartariaqalersut.

Siumumiit nalunngilarput assigiinngitsutigut Kommuunerujussuarni pitsaaqutit pitsaanngitutillu aallaavigalugit misissiuisitsisarnerit ingerlanneqareersut. Tammaammat aamma naatsortsuutigivar-

put misissuutitsisimanerit assigiinngitsut aallaavigalugit Kommuunit kattuffitsik peqatigalugu ingerlaqqinnissaminni assigiinngitsutigut peqatigiillutik sammivilersuisimanissaat.

Taamaakkaluartoq Kommunalbestyrelsit namminiussusertik namminersortuunertillu aallavigalugu sulinerat qularinngikkaluarlutigu oqaatigissuarput Politikikkut aqutsisoqatigiinnik aamma peqarmata. Tassa Naalackersuisut siulittaasuat Kommuunenilu sisamani Borgmesterit ataatsimut ilaasortaaffigisaanni.

Ullumikkut inatsisitigut aaqqissuussaanerput nalunngisarput tassaavoq, ataatsimoortumik tapiisutit isumaqatiginninniutaasernerat Kommuunit kattuffiatigut ingerlanneqartartoq. Tamannalu Siumumiit allanngortinneqartariaqartutut isiginngilarput. Tassami Kommuunit ataasiakkaarlutik immikkut Naalackersuisunut isumaqatiginninniartalissagaluarpata naligiinnginneq sulii annerusoq pileriartortussaammat. Maanna periusaasoq Kommuunit sisamaasut inissisimanerannut naapertuummat oqaatigerusupparput.

Siunnersuuteqartup Sara Olsvig Inuit Ataqatigiit siunnersuutaa ataatsimut tamaat isigissagaanni assortoruminaappoq. Nunatsinni isorartuumi nunatsinni aningaasatitta atorneqarnerat naapertuilluartumik atornerpagut? Qanimut isigisagut pitsaanerusumik sukkanerusumillu ilaanni ingerlatsivigisutut isikkoqartartut nalilersuivigisariaqalinnginnerpagut? Nunatsinni akikinnerusumik inuuneqalernissamik siunertaqartumik aaqqissuussisarnerit tamanik akiliiffigineqartut ilaannaanut atugarissaarutaassappat?.

Inoqarfiit pisortaqarfippassuarnik ilinniartoqarfippassuallilluunniit qitiusoqarfimmiik isiginiarneqarnerat annertooujussuuvoq. Tamanna ajunngilaq. Kisianni qimatagut amerlavallaalerput uffalu saanaartornikkut atunngittuugarpassuagut pisariaqartinneqaqisullu aningaasaateqarfimmut toqqortuinnarneqartut inoqarfinnut siammasissumik atorneqarunik ulluinnarni inuunitsinnut ajunngittorpassuarnik sunniuteqarsinnaagaluartut.

Siunnersuuteqartup ilanngullugu taavaa aningaasatigut naligiissarinermut aaqqissuussineq ullumikkut atuuttoq qulaajaanissami ilaatinneqassasoq.

Tamanna aamma isumaqatigilluinnaratsigu Siumumiit oqaatigissuarput. Tassa naligiissarinermi agguasaarneq isumaqatigiissutaareersut malillugit Naalackersuiup akisussaaffigiluarat assortuussutaajunnaarluni inissinneqarnissaa Siumumiit kissaatigiuannaratsigu.

Siumumiit taamatut oqaaseqarluta qulaajaasoqarnissaanik aalajangiiffigisassatut siunnersuut taper-  
serparput ataatsimiititaliamullu susassaqartumut aappassanneerseqartinnani suliarineqarnissaa in-  
nersuullutigu.

Jess Svane

Siumut